

**Headline** **Sektor pendidikan julang Perak**  
**Date** **05. Mar 2008**  
**Media Title** **Berita Harian**  
**Section** **Nasional**  
**Circulation** **217920**  
**Readership** **2083000**

**Language** **MALAY**  
**Page No** **23**  
**Article Size** **1647 cm<sup>2</sup>**  
**Frequency** **Daily**  
**Color** **Full Color**



HARAPAN NEGARA: Raja Muda Perak, Raja Dr Nazrin Shah memeriksa perbarisan pada majlis penyampaian hadiah di Maktab Melayu Kuala Kangsar.



UJI KEBOLEHAN: Sultan Perak, Sultan Azlan Shah melawat pameran dan demonstrasi merawat pesakit di Kolej Perubatan Diraja Perak.

# Sektor pendidikan julang Perak

Hab lahir modal insan untuk NCER, sasaran negeri maju 2015 bukan khayalan

Oleh Mohd Feroz Abu Bakar

**I**POH: Mengikut pelan Koridor Ekonomi Wilayah Utara (NCER), Perak terpilih sebagai hab untuk mengeluarkan modal insan, satu amanah yang berat untuk kerajaan negeri.

Antara lain, inisiatif NCER itu akan menarik taraf Sekolah Sains Raja Azlan Shah di Taiping dan Maktab Melayu Kuala Kangsar (MCKK) di Kuala Kangsar sebagai pusat menghasilkan sumber manusia terbaik.

Kedua-dua sekolah berkenaan akan menerima dana untuk menambah kelengkapan pengajaran dan pembelajaran bagi mengeluarakan pelajar yang akan menjadi pemimpin masa depan dalam pelbagai bidang.

Pemilihan Perak sebagai hab modal insan memang tepat kerana negeri ini terkenal sebagai tempat melahirkan ramai tokoh terbilang negara.

Ini disebabkan dua institusi pendidikan terkenama di negara ini, iaitu Maktab Melayu Kuala Kangsar (MCKK) dan Maktab Perguruan Sultan Idris (STIC) berada di Perak.

MCKK yang ditubuhkan pada 1905 melahirkan tokoh terkenama tanah air seperti pengasas Umno, Datuk Onn Jaafar, penulis Ishak Muhammad dan Pak Sako. Perdana Menteri kedua, Tun Abdul Razak Hussein dan Menteri Pelajaran, Datuk Seri Hishammuddin Hussein.

STIC (sekarang dinatakan taraf sebagai Universiti Pendidikan Sultan Idris) pula dibuka secara rasmi pada 1922, antara lain melahirkan pemimpin seperti Datuk Sem Abdul Rahman, Tun Ghafar Baba, Tan Sri Syed Nasir Ismail dan Awang Had Salleh.

Dengan sejarah institusi pendidikan yang cemerlang, Perak kini mempunyai beberapa universiti untuk meneruskan tradisi sebagai hab modal insan terkenama di negara ini.

Bermula dengan pembinaan kampus cabangan Universiti Teknologi Mara (UiTM) di Seri Iskandar pada pertengahan 1990-an, Perak juga mempunyai Universiti

Teknologi Petronas (UTP) di Trotonoh.

Jika hampir 100 tahun lalu, MCKK dan STIC meletakkan Perak sebagai tumpuan di Tanah Melayu, kini UTP meletakkan Perak dan Malaysia dalam peta dunia.

Ini disebabkan universiti swasta milik Petronas itu menerima kedatangan pelajar dan pensyarah dari seluruh dunia.

Kewujudan kampus UTP dan UiTM juga menghasilkan limpahan ekonomi untuk penduduk sekitar Seri Iskandar dan Tronoh, termasuk menerusi peningkatan nilai harta benda.

Selain UTP dan UiTM, Perak juga menempatkan kampus tetap Universiti Tunku Abdul Rahman (Utara) di Kampar.

Universiti Kuala Lumpur-Malaysian Institute of Marine Engineering Technology pula mempunyai kampus di Lumut; manakala Kolej Perubatan Diraja Perak mempunyai kampus di Ipoh.

Universiti Utara Malaysia (UUM) pula bercadang membangunkan Fakulti Pertanian di Hulu Perak, manakala Universiti Putra Malaysia (UPM) akan membangunkan pusat penyelidikan genetik di Hutan Simpan Royal Belum.

Tidak cukup dengan dua universiti awam dan empat universiti swasta, kerajaan negeri kini dalam proses membangunkan sebuah universiti peribatan di Gopeng, selari dengan matlamat menghasilkan modal insan berbakat di seluruh Perak.

Katanya, kampus tetap universiti itu akan dibina berhampiran Gua Tempurung dan kampus sementara di Ipoh akan ditubuhkan sebelum hujung tahun ini.

"Universiti ini akan menjadikan Hospital Ipoh sebagai tempat latihan klinikal," katanya, baru-baru ini.

Peralan benar-benar akan muncul sebagai hab mengeluarkan modal insan untuk NCER kerana sana lagi institusi pendidikan tinggi akan ditubuhkan di Manjung.



BERSEJARAH: Maktab Melayu Kuala Kangsar melahirkan ramai tokoh dan pemimpin terkenal tanah air.



**“Kerajaan negeri mempunyai perancangan besar untuk menjadikan Manjung sebagai hab pendidikan di sebelah barat Perak”**

**Dr Zambry Abd Kadir**  
Pengerusi Jawatankuasa Pelajaran, Pengajian Tinggi, Sains, Teknologi dan Inovasi Perak

da sekolah elit untuk 'melahirkan pelajar terbaik sebelum memasuki universiti dalam atau luar negara. Kini, ada tiga Maktab Rendah Sains Mara (MRSM) di negeri ini, iaitu di Kampung Gajah, Grik dan Taiping.

Empat lagi MRSM dalam pembinaan, iaitu di Parit, Pengkalan Hulu, Kuala Kangsar dan Trolak Utara.

Perak meletakkan sasaran untuk menjadi negeri maju pada 2015 dan menempatkan 200,000 pelajar di institusi pendidikan tinggi di negeri itu menjelang itu.

Dengan perancangan teliti kerajaan negeri dan kerjasama Kerajaan Pusat, pemilihan Perak sebagai hab mengeluarkan modal insan untuk NCER bakal menjadi kenyataan.

Headline **Sektor pendidikan julang Perak**  
Date **05. Mar 2008**  
Media Title **Berita Harian**

